



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 37. Agobardus Lotharium calamo defendit.

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

mo agit de Missis totius anni, in secundo de Ordinationibus & Clericis, in tertio explicat Missam quotidianam, & in quarto tam diurna quam nocturna officia.

Sæculum IX.
A. C. 831.

§. XXXVII.

Agobardus Lotharium calamo defendit.

Interim funesta jurgia inter Ludovicum Imperatorem & filios gliscebant. Nam Ludovicus Judithæ uxoris suæ (antiquum malum) blanditiis obsequens, jam uni jam alteri filiorum, prout impellebatur, favebat. Regnorum divisionem mutaverat, & Lothario Augusti nomen ademerat. Jamque hinc Patris inde filiorum exercitus ad bellum proficiscentes totum Imperium turbabant. Tunc vero Agobardus, Archiepiscopus Lugdunensis, Ludovico Imperatori scripsit in hunc modum: *Fidelis subditi officium exposcit, ut si Dominum suum in periculo versari sciat, eundem promptissime admoneat. Testem invoco Deum, scrutatorem cordium, nulla alia re me moveri, ut tibi scribam, quam quod vehementissime, & plus quam verbis explicare possim, doleam, salutem tuam, maxime animæ, in extremum discrimen esse adductam.* Tum Imperatori in memoriam reducit, quanta industria Lotharium, filium suum natu maximum, in societatem Imperii adlegerit, nimirum

Epist. Fleb.
to. 2. p. 42.

Sup. lib.
XLVI. §.

T 3 post

Sæculum IX. post jejunia & preces, ut facilius Dei vo-
 A. C. 831. luntatem posset cognoscere. Subjungit

*Ex eo tempore Mandata Cæsarea semper
 nomen utriusque præferebant, & nunc pro-
 positum abjicis, quin Deus tibi vel per An-
 gelum, vel per Prophetam, vel per se ipsum
 revelaverit, quod pæniteat ipsum, elegisti*

1. Reg. 15. *bunc Principem sicut indicavit Samuel,
 quod Saul rejecisset. An melius consilium
 ex te ipso hausisse existimas, quam illud
 prius, quod Cælum tot precibus exoratum*

e. 6. *suggererat? (*) Mala quæ elapso anno
 ex hac animi mutatione evenerunt, depre-*

e. 7. *mus, & merito timemus, ne Deum tibi
 offensum habeas. Ut enim nihil dissimula-*

Theg. c. 42. *mus, hæc promissa diversa & sibi contra-*
 Astron. ann. *ria cum jurejurando multis non proban-*
 832. Nit- *tur, & levitas tua palam vituperatur.*
 hard. lib. 1. *Ceterum annus, in quo hæc ita se habere*

Astron.

re dicit, & in quo epistolam istam scripsit Agobardus, octingentesimus trigentesimus tertius fuisse creditur, quo hinc parentis & inde filiorum agmina in campos exhibant.

Lotharius ex Italia veniebat, atque ut causam suam patrocínio firmaret, itineris comitem acceperat Gregorium Pa-

(*) Satis laconice hic Agobardus. Ceterum poterat utique Ludovicus Imperator & Pater Lotharium filium sibi subditum in societatem Imperii adsciscere, & rebellem punire.

pam, qui inter patrem & filios pacem reduci posse sperabat. Et hæc fuit materia alterius Agobardi ad Ludovicum Imperatorem epistolæ, cujus istud est exordium: *Mandata dedisti, ut ordo uterque Ecclesiasticus & militaris in his Reipublicæ motibus hic ad pugnam, ille ad consilium paratus sit.* Scilicet Imperator Comitia convocaverat, in quibus nihil intentatum relinqueretur, quo jurgia inter Patrem & filios sine prælio & sanguine tollerentur. At Agobardus credidit sibi non expedire, ut ad illa Comitia se conferret, satisque ei visum, scribere hanc epistolam, in qua adductis verbis S. Leonis, Pelagii & Anastasii Auctoritatem Papæ mirum in modum extollit, & deinde subjungit: *Si Gregorius Papa eo animo ad te venit, ut abjectis pacis consiliis dimicet, repelli meretur; si vero venit, ut pacem reducat, & ea, quæ aliquando tua Auctoritate & totius Imperii consensu acta sunt, atque a Sacra Sede confirmata, restituat, æqua postulat, obedire te oportet, nec sine culpa reluctari potes.* Cum Paschali hoc tempore litteras accepissem a Papa ad me datas, quibus jejunia & preces nobis injungebat, ut Deum mitigaremus, & impetraremus auxilium, quo firmatus Pontifex, in Regnum tuum pacem & in Regiam Domum concordiam reducere valeret, illis perlectis intimis visceribus

Sæculum IX.
A. C. 831.

*De compar.
utriusque to.*
2. p. 48.

c. 4.

c. 5.

Sæculum IX. *bus commotus, manus meas ad Jesum Chri-*
 A.C. 833. *stum Dominum nostrum levavi vebemen-*
ter exoptans, ut sine sanguinis effusione
præsens tumultus sedaretur. Et infra:
 c. 7. *Nemo dubitat, Domine, te sine compara-*
tione pluris facere Regnum Cælesti quam
terrenum; nihil vero magis gratum Deo
agere potes, quam amissam pacem populo
dare.

§. XXXVIII.

Gregorius Papa in Francia.

vit. Walæ. Postquam Summus Pontifex in Fran-
 c. 14. *ciam* pervenit, ipsius & Principum,
 apud quos erat, nomine mittuntur, qui
 Walam Abbatem Corbeja adducerent,
 cujus consilia ad conciliandam pacem uti-
 lissima credebantur. Ipse repugnans e
 Monasterio pedem efferre volebat; sed
 ad extremum cessit Fratrum precibus, di-
 centium, missos a Principibus milites
 vim ei illaturos comminari. Itaque co-
 mitante Ratberto perrexit in Alsatiam,
 quo Ludovicus Imperator jam prius men-
 se Majo se contulerat, & ubi etiam Prin-
 cipes filii cum Papa commorabantur.
 Episcopi Ludovico Patri adherentes da-
 ta ad Papam epistola querebantur, quod
 non vocatus advenisset, & accusabant,
 quod fidem Imperatori juratam violaf-
 set. Cumque percrebuisset rumor, Gre-
 gorium adesse, ut ipsos excommunica-
 tione

Astron.